

Iroun Beretitenti  
Henry B. Eyring

Moan Kauntira n te  
Moan Beretitentii



# Mwakuri n Ibuobuoki ao te Maiu ae Akea Tokina

**T**e Tia Kamaiu bon ara katoto n te mwakuri n ibuobuoki ae akoi. E babane maiuna ae kororaoi ni beku ibukin te Tama are i Karawa ao Natina ni kabane. Katiteuanaakin oin aia kantaninga te Tama ma te Nati bwa a na anganira ni kabane te bwaintangira ae te aki mamate ao te kakabwaia ibukin te maiu ae akea tokina. (tara Moses 1:39)

N te aro bwa ti na tau ibukin te maiu ae akea tokina, ti riai ni bitaki rinanon ana Mwakuri ni Kamaiu Iesu Kristo—ni manga bungiaki kaua ao ni kaitiakaki man ara bure. Ataei aika uarereke iaan waniua te ririki, ma e ngae n anne, bon akea aia bure ao a kaboaki rinanon te Mwakuri ni Kamaiu (tara Motiaeaa 3:16, 21; Moronaaai 8:10–12).

Ibukira ngaira ni kabane ake ti a roko n te ririki ni kabaeki nakon te bukinaki, iai te babaire ae kamimi are e kariaia bwa ti na kaitiakaki man te bure ao ni katauraoi ibukin te maiu ae akea tokina. Te katauraoi anne e moanaki man te bwabetito man ana kariaia te nakoanibonga ao ana butimwaai te Tamnei. Ngkanne ti riai n ururinga te Tia Kamaiu n tainako ao ni kawakin ana tua are E a tia n anganira.

E taetae te Uea ae Beniamina nakoia ana aomata n ana Boki Moomon ibukin te kimwareirei are e roko man namakinan te kabwarai bure rinanon ana Mwakuri ni

Kamaiu Iesu Kristo. Imwina e katanoata bwa karekean kamaunaan aia bure, a riai n reireinia natia ni beku i bon imarenaia ao a na rang n mwamwannano ngkai a kona ni kaitarai kainnanoia n te maiu n rabwata ao n te tamnei ibukia naake irarikia. (Tara Motiaeaa 4:11–16).

E reirei naba “Nooria I taekin bwaai aikai bwa e aonga n reke iroumi te wanawana; bwa kam aonga n ataia bwa ngkana kam beku ibukiia raomi ao kam bon beku naba iroun Atuami” (Motiaeaa 2:17).

E nako Iesu n taetaekina ana euangkerio ao ni karaoa ae raoiroi (tara Mwakuri 10:38). E kamarurungia aoraki. E kautia maate. Man mwaakana E kamwarakeia te ngaa n aomata ngke a baki ao n akea kanaia (tara Mataio 14:14–21; Ioane 6:2–13). Imwin Mangautina E angania kanaia Ana Abotoro ngke a roko ni biken Naman Kariraia (tara Ioane 21:12–13). Iaon Amerika, E katoki aoraki ao e kakabwaiaia ataei temanna imwiin temanna (tara 3 Nibwaai 17:7–9, 21).

Te Abotoro ae Iakobo e reireinira bwa e kanga aron te beku ibukia tabeman n rikirake man ara kakaitau n te bwai are E karaopia te Uea ibukira.

Ma ane e taratara te tua are moan te raoiroi, are te tua n inaomata, ni memena naba iai ngkai tiaki te tia ongo te tua ae mamanuokia, ma e makuria te makuri, ao e na kabaia n ana makuri.

"Aio te aro ni Kiritian ae itiaki ae aki kam'ara i matan te Atua ae te Tama, te kakawari'a akana a mate tamaia ma aine aika a mate buia, ngkai a rawawata, ao te kakawina naba ngaia, ba e kawa ni bareka ni b'ain aon te aba" (Iakobo 1:25, 27).

Teuana kakoauan are ko a tia ni kaitiakaki raoi bon rikiraken nanom ni kan beku ibukia tabeman ibukin te Tia Kamaiu. Te reirei n te mweenga ao te Reirei ni Kakawari e riki bwa te kimwareirei ae korakora riki ao tiaki tii te bwai are ti kairoroaki bwa ti na karaopia. Ko kuneko bwa ko anganano riki iaon anne n angin te tai n te tabo n reirei i abam ke ni buokia n tararuia raoi naake a kainnano n am kawa. E ngae ngke e aki batu n tau am mwane n anga nako nakoia naake e a karako riki are irouia, ko iangoia bwa e bia ke rawata riki ae ko karekea bwa ko aonga n anga riki ae mwaiti (tara Motiae 4:24). Ko kuneko bwa ko a ingainga ni kan beku ibukia natim ao ni kaotia nakoia bwa e kanga te beku ibukia tabeman.

Ngkana e a bitaki kateim, ko na namakina nanom bwa e a korakora riki n te mwakuri n ibuobuoki n akea kinaakim iai. I ataia ana reirei te Tia Kamaiu ake a anga bwaintangira aika korakora n te mwane ao te mwakuri n ibuobuoki ma baireana irouia bwa akea temanna ma tii te Atua ao natiai ae a ataia. E a tia ni kinaaki aia mwakuri n ibuobuoki ioun te Atua man kakabwaiakia n te maiu aei, ao E na kakabwaiakia n te maiu ae akea tokina (tara Mataio 6:1–4; 3 Nibwaai 13:1–4).

Ngkai ko a tia ni kawakina te tua ni beku ibukia tabeman (tara Mataio 22:39), ko a tia n namakina te bitaki n namakinan te kainikatonga. Te Tia Kamaiu e na kaetia Ana Abotoro ngkana a ikawiia bwa antai ae korakora riki mai buakoia. E taku:

"Ao tai atongaki ngkami ba tani kairiri: ba ti temanna am tia Kairiri, ba te Kristo.

"Ao ane kakanato riki i buakomi ao e na riki ba ami tia makuri" (Mataio 23:10–11).

E reireinira te Tia Kamaiu bwa ti na kanga n reiakinaki ni beku ibukia tabeman. E beku ma te kororaoi, ao ti riai n reiakinaki ni beku n aron ae E reiakinaki—te reirei iaon te reirei (tara D&C 93:12–13). Rinanon te mwakuri n ibuobuoki are ti anga, ti kona n riki n Ai Arona. Ti na tataro ma korakoran nanora n tangiriia ara kairiribai n aron ae E tangiriia. (tara Mataio 5:43–44;

Moronaai 7:48). Ngkanne n te kabane ti a tau ma Ngaia ao Tamara are i Karawa ibukin te maiu ae akea tokina.

I berita bwa ti kona ni beku n ae kororaoi riki ngkai ti irira ana reirei te Tia Kamaiu ao ana katoto.

## REIREI MAN TE RONGORONGO AEI

Unimwaane M. Russell Ballard man te Kooram n Abotoro n te Tengaun ma Uoman e kaungaira bwa ti na tataro ibukin taai ni beku: "N am tataro n te moaningabong ni katoa te bong ae boou, butiia te Tama are i Karawa bwa e na kairiko bwa ko na ataa am tai ni beku ibukin temanna natina ae rangin kakawaki. Ngkanne naako kabanea te bong . . . ni kakaea temanna ae e na buokaki" ("Tauraoi ni Katabeaki," *Ensign* ke *Liahona*, Nobembwa. 2012, 31). Iangoia ni kaoia naake ko reireinira bwa a na katea aia kouru n tataro ni katoa ingabong koraki ibukin taai ni beku ao imwina kakaeia ni kabane n te bong anne.

## KAIRAKE

### Kaekaan Ana Tataro

Iroun nei Siphilile Khumalo

**N**te tairiki teuana raorau ae kaain te aro teuana e roko ni kawarai. I tataneiai ni wareware ni booki aika tabu n tii ngai, ao I uoti bwa n na kamatebwai n te tairiki anne. E roko irou te kanamakin bwa N na kaoa bwa e na raonai ni kamatebwai booki aika tabu, ma I maaku ao n oneanimwina I a kamatebwai n tii ngai. I ataia bwa I a tia ni kaakea ana kanamakin te Tamnei. Tabeuia te miniti imwina I a karaurau n titiraki, "Ko tangiria ni kamwatebwai booki aika tabu ma ngai? Raoraou e kaeka ma te kukurei, "Eng."

Imwina ti a wareware man ana Boki Moomon. E titirakinai tabeuia titiraki, ao I kona n namakina te Tamnei ni kairai ngke I kaekaa. I kaota au koaua iaon koauan ana Boki Moomon. Imwin are I karaoa aei, e tuangai, "I a tia n tang ao ni maaku ni boong nako. I a tibwa tia n tataro nakon te Atua ibukin buokau ngke ko tuangai bwa N na wareki booki aika tabu. I a namakina te nako-raoi ngkai. Ko rabwa."

E kabonganai te Uea bwa ana tabonibai ni kaeka te tataro ao ni beku ibukin temanna Natina are e rang

ni kainnanao buokana. I ataia bwa kanamakin akanne bon kaetieti mairoun te Tama, ae wanawana man mimitong. Ngkana ti kararoai maakura, ti kariaia bwa e na kaota mwaakana rinanon ara ongeaaba.

*E maeka te tia koro karaki i Gauteng, Aberika Maiaki*

## ATAEI

### Kakaei Kawai n nako ni Beku

**K**o kona n rinea n irira lesu Kristo ao ni beku ibukia tabeman. Korea tamneim ni beku ibukia kaain am utu ke raoraom ao kamena am tamnei n te tabo ike e kona ni kauringko bwa ko na akoi ni katoa bong.

© 2014 iiron Intellectual Reserve, Inc. A bane n tauaki mwiin taian kariaia ibukin katootongana. Boretiaki i USA Kariaiakaki n te Ingiriti: 6/13. Kariaiakaki rairana: 6/13. Rairan te*First Presidency Message, March 2014*. Kiribati. 10863 859



# Ana Mition lesu Kristo ae Mairoun te Atua: Ootan te Aonaaba

Tataro mwaaka ni kamatebwaiia te bwai n reirei aei ao ukoukoria bwa ko na ata te bwai ae ko na tibwauaia. E na kanga ataakin maiun ao mwikoan te Tia Kamaiu ni kakorakora am onimaki Irouna ao ni kakabwaiiaia naake ko tararuiaia rinanon te kakawari n reirei? Ibukin rongorongona riki tabeua, nakon reliefsoociety.lds.org.

*Aio mwakoron te Kakawari n Reirei n te Mweenga are e kaota mwakoron ana mwakuri te Tia Kamaiu.*

**N**gkai ti a matata riki bwa Iesu Kristo bon Ootan te Aonaaba, ti na karikirakea ara onimaki irouna ao n riki bwa te oota nakoia tabeman. Kristo e kaota ana mwakuri bwa te oota ni koaua are e kaotaia mwaane ao aine ake a roko nakon te aonaaba” (tara D&C 93:2) ao ni bubuti bwa ti na taua i eta [Ana] taura bwa e na oota nakon te aonaaba” (3 Nibwaai 18:24).

Ara burabeti a kaota naba Ootan Kristo. Beretitenti Henry B. Eyring, te Moan Kauntira n te Moan Beretitentii, e taku: “Ni katoa tai are ko rinea bwa ko na kataia n maiu n ai aron riki te Tia Kamaiu, e na kakorakoraki am koaua. Ko na ataia raoi i bon iroum bwa bon Ngaia Ootan te Aonaaba. . . . Ko na kaota nakoia aomata Ootan Kristo inanon maium.”<sup>1</sup>

Unimwaane Quentin L. Cook man te Kooram n Abotoro n te Tengaun ma Uoman e taekina arora n riki bwa te oota nakon te aonaaba: “Ti kainnanoa kamanoakin ara utu ao ni kabanei riki nanora

n te bwai ae kakawaki n ikotaki ma aomata ni kabane ake a nanoanga ni karaoan bwai ni kabane are ti kona ni kawakina iai te oota, kantaninga, ao te aro ae riai inanon ara kaawa.”<sup>2</sup>

## ***Man Koroboki aika Tabu***

Ioane 8:12; Doctrine ao Covenants 50:24; 115:5

## ***Man Rongorongora***

**A**ine Aika Itiaki n te bong aei a teimatoa n taui ieta ootaia

N te ka 80 ni burooa ae raka rietatana iaon Hong Kong, Tiaina, temanna te tari te aine ae iai mwa-ukin rabwatana—bon tii ngaia te Aomata ae Itiaki n ana utu—e karaoa mweengana bwa te tabo ae tabu ike ngaia ma ana iruwa a kona n namakina korakoran te Tamnei. E kawakin booki aika tabu, ana boki n reirei n te Bootaki n Aine, ao ana boki n anene ni kaan irarikina. E mwananga nakon te tembora bwa e na karaoi otenanti ibukia ana bakatibu.<sup>3</sup>

Iaon Brazil te tina ae raoiroi e kaikawaiiarake natina n ootan te euangkerio. Anenen te Moanrinan

e kaona te eea inanon mweenga ae te buriki ae uraura, ao tamnei man te *Riaona* ibukin taian tembora, ana burabeti te Atua, ao te Tia Kamaiu ni kaona aon te oo. Ngaia ma kainnabana te mwaane a anganano bwa a na kabaeaki n te tembora bwa aonga ni bungiaki natiai inanon te berita. Ana tataro ae teimatoa bwa te Uea e na buokia ni kaikawaiiarake natina n ootan, koauan, ao korakoran te euangkerio.<sup>4</sup>

## **BWAII AIKA A NA TARAKI**

1. Henry B. Eyring, “A Living Testimony,” *Ensign ke Liahona*, Meei 2011, 128.
2. Quentin L. Cook, “Let There Be Light!” *Ensign ke Liahona*, Nobembwa. 2010, 30.
3. Tara Daughters in My Kingdom: *The History and Work of Relief Society* (2011), 21.
4. Tara Daughters in My Kingdom, 36–37.

## ***Tera ae I Kona ni Karaoia?***

1. Maroroakinna bwa tera ae nanonaki n riki bwa te oota nakon te aonaaba.
2. Iangoia raoi bwa e kanga aron iriran ootan Kristo ni buokiko n teimatoa ni kaitarai kakatai.